



Inatsisartunut ilaasortaq  
Martha Lund Olsen  
Siumut

Indgået

- 9 MAR. 2017

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Biilnik eqqussuiner mi akitsuutit pillugit § 37 naapertorlugu apeqqummut nr. 103-mut akissut**

07-03-2017  
Sags nr. 2017-5025

Inatsisartut suleriaasianni § 37, imm. 1 naapertorlugu apeqqutit ataani allassimasut Naalakkersuisunut saqqummiussimavatit.

Postboks 1037  
3900 Nuuk  
Tlf. (+299) 34 50 00  
Fax (+299) 32 46 14  
E-mail: oed@nanoq.gl  
www.nanoq.gl

- 1. Nunatta Karsiata isertitai qanoq annertutigissagaluarpat, biilnik eqqussuiner mi akitsuutit imatut allannortinneqartuuppata, biilit Nunatsinnut eqqussuunerqarner mi akiisa 15%-ii assigiaartumik akitsuuserneqartalersillugit, pisiap allagartaani nalinga aallaaviginagu, soorlulusooq Aningaasaqarnermut Inatsimmi 2017-imi qupperner mi xxx allaqqasoq?**

Aallaqqaasiutigalugu paasissutissiissutigisinnaavara, suleqatigiissitanik, ilaatigut biilnik eqqussuisartut peqataaffigisaannik pilersitsisoqarnikummat. Suleqatigiissitat siunertaraat, biilinut akitsuutit allannortinnissaannut, pingaarnertut silaannaap pissusia avatangiisillu innimiginerullugit, akitsuuseeriaatsinik assigiinngitsunik nalilersuinissaq.

Apeqqut ima paasivara, atuisup Kalaallit Nunaanni tuniniaasunit biilimik pisinermi biilip akia tunngavigalugu akitsuut 15 %-iusoq naatsorsorneqartassasoq. Taamaappat, iluamik paasisimagukku, akitsuutinik akiliisitsinermik allannortitsinerup nassatarissavaa, akitsuut biilip tunineranut atatillugu aatsaat akilerneqartartussasoq, ullumikkut periutsimut, eqqussuiner mi akitsuummik akiliisarner mi, biilnik eqqussuisut siullertut akitsuut akilertarnerannut, taarsiullugu.

Eqqussuiner mi akitsuutit maanna atuuttut tassaapput inuit biiliinut akitsuut aalajangersimasoq 50.000 kr.-iusoq, saniatigullu pisiap allagartaani nalingata 50.000 kr.-init annerusup 150.000 kr.-inilli minnerusup 100 %-ia, sinneri 125 %-imik akitsuuteqarput.

Eqqussuiner mi akitsuutip naatsorsorneqarneranut pisiap allagartaani nalinganut makku ilaatinneqartarput:

- Biilip pisiarineranut aningaasartuutit (t.i. biilip akivia)
- Biilip iluarsartuunneranut aningaasartuutit
- Umiarsualivimmut usilersorfiusussamat biilip assartorneranut sillimmaser neranullu aningaasartuutit. Umiarsualivittut usilersorfiusussat paasineqassaaq, umiarsualivik biilimik Kalaallit Nunaannut nassiussisussaq (ass. Aalborg, Halifax il.il.)

- Umiarsualivimmi usilersorffiusussami aningaasartuutit immikkut ittut, ass. Toqqorsivimmik attartorneq il.il.

Biileerniat tuniniaanermi akigititaat Akileraartarnermut Aqutsisoqarfiup ilisimanngilaat taamaattumillu 15 %-imik akitsuusiisarnissamut nuunnerup aningaasaqarnikkut sunniutissaat nalilersinnaanagit. Missiliorneqarporli, siunnersuinertert allannguineq maannakkut iluanaarutaasartut 50 – 75%-iinik appariarnerannik kinguneqassasoq, qamutit aalajangersimasut minnerunngitsumillu taakku nalingi apeqqutaallutik.

Ilanngullugulu oqaatigissavara, maannakkut akitsuuseeriaatsip, eqqussuinermi akitsuusiinermi aalajangersimasumik akitsuusiisarnerup qulakkiissammagu, Kalaallit Nunaat biilini atornikunik pisoqqanik ulikkaassanngitsaq, taakku ilaatigut Danmarkimi akikitsuaqqamik pisiarineqarsinnaagajummata. Biilit qanganitsat atornikullu biilinit nutaanit isumannaatsuunnginnerullutillu mingutsitsinerusarput. Akitsuuseeriaasittaaq biilit atorneraarunnaartut iginneqarnissaannut atatillugu maannakkut unammillernartunut ingalassimatitsivoq.

## **2. Biilit Nunatsinnut eqqussuunneqarnermi akitsuutaasa ullumikkut isertitaasartut annertussusaat najoqqutaralugit %-nngorlugit qanoq annertutigissappat, soorlulusooq Aningaasaqarnermut Inatsimmi 2017-imi quppernermi xxx allaqqasoq?**

Ullumikkut Kalaallit Nunaanni inuit biiliata 200.000 kr.-inik missaanik akillip, akitsuut maannakkut biilip tuninerani akiata affangajagivaa, taamaattumik tuniniaasup akigititaa, akitsuutit ilanngunnagit, akitsuutip procentia 90 – 100 %-ip missaaniissasoq missiliorneqarpoq.

Biilit eqqunnerata nalaani 150.000 kr.-inik pisinermi akeqartut pineqarpata, akitsuutip procentia qaffasinnerussaaq.

Inussiarnersumik inuulluaqqusillunga  
Med venlig hilsen

Aqqaluaq B. Egede